

(钦定)平定七省方略

北京中国书店印行



欽定平定陝甘新疆回匪方略卷一百六十四 丁卯年

十二月初六日 酉乙左宗棠庫克吉泰喬松年劉

典奏言宜君縣之偏橋鎮窰坪鎮一帶回逆麕

聚肆行滋擾 臣劉典飭總兵劉儒冕馳赴偏橋

鎮與提督高連陞分途攻勦劉端冕於十一月
十八日進逼建莊等處該逆聞風逃竄我軍跟
蹤掩殺追至鳳凰山地方該逆踞險抗拒劉端

晁督隊環攻士卒人人用命由左右山麓分路
壓下斃賊無算賊遂棄險而奔劉端晁等奮力
追擊賊屍枕藉卽於次日直擣楊家店鳳陽坡
等處沿途斃賊二千餘名生擒一百三十餘名
奪獲賊馬一百餘匹訊據賊供此股回逆聞官
軍進攻宜君乘虛圖襲米脂營壘不料爲官兵
擊敗僞元帥馬壯元業經殲斃蘇萬元郭阿渾

等股亦經官軍殺斃甚多竄歸老巢者無幾等語二十一日高連陞派隊馳赴窰坪鎮該逆列隊抗拒高連陞飭總兵高有志等分路環攻親督參將賀茂林等截擊窰坪河下之賊回逆馬步約四千餘人冒死衝撲我軍奮力進攻擊斃騎賊多名賊始退卻高有志等乘勢進擊賊三路俱敗追至譚家灣該逆傾巢而出拚死抵敵

高連陞揮隊前進鏖戰終日我軍勇氣百倍擊斃悍賊二百餘名賊始敗潰我軍將弁亦有傷亡次日黎明高連陞督隊進攻雙柳樹賊巢該逆一見官軍卽向曹家河一帶奔竄高連陞撥隊分路兜剿計斃賊匪五六百名生擒三十餘名奪獲羸馬百餘匹其甘肅正甯回逆出擾陝邊屢爲邠州防軍所挫宮河老巢亦被提督蕭

德經踏毀逆回疊受大創半回甘境 臣查劉端
冕一軍擒渠埽穴所向皆捷而士卒並未傷亡
一人尤足以伸

天討而作士氣所有出力各員相應開列籲懇

恩施高連陞所部參將羅少林傅洪達於攻勦譚家灣
受傷陣亡均請

旨飭部從優議卹奏入

上命軍機大臣傳諭左宗棠庫克吉泰喬松年劉典曰
回匪馬壯元等圖陷米脂營壘經劉端冕等以少擊
衆首逆伏誅洵屬異常出力譚家灣等處回巢亦經
高連陞等軍踏毀回逆疊受大創半回甘境事機尙
爲順利第馬壯元雖已伏誅而蘇萬元郭阿渾等未
盡殄除甘省無糧可掠難保不乘隙回竄仍著左宗
棠嚴飭各軍認真防剿勿稍鬆懈

上諭內閣曰回逆麕聚宜君之偏橋窰坪鎮等處總兵
劉端冕會商高連陞分道兜剿由建莊追至鳳凰山
後該逆踞險抗拒劉端冕率隊馳擊斃賊甚多賊向
楊家店鳳陽坡分竄圖陷米脂營壘官軍連次迎剿
所向皆捷並將僞元帥馬壯元殲斃剿辦尙屬得手
所有出力文武各員自應量予獎勵總兵劉端冕著
以提督交軍機處記名候旨簡放黃有功著交部從

優議敘李大有著賞給勝勇巴圖魯名號副將唐俊
元著賞給總兵銜遊擊王開福著以參將補用千總
戴禮富著以守備補用並賞換花翎浙江補用縣丞
邵杜著以知縣改留陝西儘先補用仍著左宗棠督
飭劉端冕等各率將士乘勝追擊以清餘孽高連陞
所部參將羅少林等在譚家灣勦賊陣亡殊堪憫惻
參將羅少林傅洪達均著交部從優議卹

初八日丁亥左宗棠奏言陝省回氛未靖自中部

宜君同官耀州三水各路防軍屢捷本日復據
劉典報稱距米脂三十餘里之青草坪一帶竄
到甘肅馬賊萬餘而長武縣亦報有甘回大股
窺伺劉典高連陞兩軍萬難抽撥現飛飭黃鼎
譚玉龍迅率所部由麟遊一帶前赴邠州長武
竭力堵截惟現在捻逆渡河犯晉臣卽親率各

營入晉督勦其陝境防勦回逆事務應請

旨飭下劉典高連陞暫行督辦以一事權奏入

上命軍機大臣傳諭左宗棠庫克吉泰喬松年劉典曰
陝省回匪未靖且續有由甘東犯大股該處軍務卽
著責成劉典高連陞與庫克吉泰喬松年會籌勦辦
喬松年身任封圻亦當會商劉典等調度不得置身
事外

初九日戊子庫克吉泰奏言前因甘回東竄臣已

將步隊派赴鳳翔一帶隨同道員黃鼎各軍分
路攻擊疊獲勝仗現又進剿邠州惟馬隊因北
山道路逼窄又無草料難以前進經劉松山商
令回紮咸陽以備截剿臣復因賊衆兵單將所
部親軍全數派往與馬隊會合共計不過千餘
人省中已無存兵當與督臣左宗棠撫臣喬松

年商摧酌帶西安駐防官兵馳往咸陽相機剿辦奏入得

旨知道了著卽酌帶官兵相機進剿迅殄逆氛不得株守咸陽敷衍了事

十一日 庚寅 庫克吉泰奏言 臣馳抵咸陽察看陝

西北路宜君中部西路長武邠州回逆紛紛竄擾幫辦劉典提督高連陞現紮北路道員黃鼎

等軍現紮西路聯絡截剿其渭濱一帶爲省垣
門戶督臣左宗棠東去深慮後路空虛逆回窺
伺臣咸陽行營尙存親軍數百人盡力扼紮以
壯聲勢仍隨時揆度軍情與撫臣喬松年商酌
辦理奏入得

旨覽奏已悉卽著督帶親軍扼紮渭濱一帶隨時與劉
典等軍妥籌策應不得徒事株守致誤事機

十四日癸巳左宗棠奏言十一月二十六日劉典

聞有大股回土各匪竄至青草坪飛飭總兵劉
端冕等星夜由米脂出隊分道迎擊二十七日
黎明齊抵青草坪該逆聞風先遁劉端冕與參
將喻先知躡追十餘里共斃賊一百餘名生擒
五十三名奪獲羸馬一百六十七頭旗幟刀矛
無算其洛川中部一帶回土各匪經高連陞擊

退後遁至距中部四十里之隆坊鎮二十七日
夜間復有回土各匪數千人直薄中部縣城緣
梯而上肆行焚殺該城文武不知下落高連陞
聞信卽督隊往勦行抵城下該逆一見官軍紛
紛竄走高連陞督隊涉河分路進擊該逆越茅
茨嶺狂奔而遁高連陞入城安撫居民被害者
尙不甚多惟總兵胡世英委員領解餉銀一萬